



Yecu Kricito
keken aye laro

En binywalo latin laco, ibicako nyiŋe Yecu, pien en bilaro lwakke ki i balgi.” Matayo 1:21

Pien Luban̄a con omaro lobo kumeno, omiyo Wode acel keken, wek dano ducu ma ye en owek to, ento obed ki kwo ma pe tum. Jon 3:16

Yecu owacce ni, “An a yo, ki ada, ki kwo.” Pe tye ŋat mo ma bino bot wonne, kono ki bota keken. Jon 14:6

Pe tye larre i nat mukene, pien pe tye nyin mo mukene i wi lobo
man ma gimiyo bot dano, ma myero olarwa iye.” Tic pa
Lukwena 4:12

Pien mukwono apwonyowu gin ma yam gimiyo botwu, en aye
ni, Kricito yam oto pi balwa, kun lubo coc ma yam gicoyo; ki ni
giyike, ki ni ocer i nino me adek kit ma gicoyo kwede: 1 Jo
Korint 15:3-4

I Kricito don gikorowa pi remone, en aye weko balwa, pi lonyo
me kicane; Jo Epeco 1:7

Tye lok ada angwen ma myero waniang maber:

1. Lubanga mari tutwal.

En mito ni ibed ki kwo ma pe tum i polo kacel kwede.

Pien Lubanga con omaro lobo kumeno, omiyo Wode acel keken,
wek dano ducu ma ye en owek to, ento obed ki kwo ma pe tum.

Jon 3:16

En mito ni ibed ki kwo ma opong ki tyen lok kwede.

Lakwo bino ka kwalo, ka neko, ki ka balo. An abino wek gubed ki
kwo, wek gubed kwede mabup. Jon 10:10

Kadi bed kumeno, dano mapol pe ginongo kwo ma tye ki tyen lok dok pe gingeyo ka ce gitye ki kwo ma pe tum pien...

2. Dano tye ki bal ki i kome. Meno aye gin mumiyo en opokke woko ki bot Lubanga.

Dano ducu gutimo bal.

Pien dano ducu gubalo, pe guo i deyo pa Lubana; Jo Roma 3:23

Pien mar pi lim en aye guti me jami maraco ducu... 1 Temceo 6:10

Mucara me bal en to.

Pien cul me bal en to... Jo Roma 6:23

Baibul tito kit to aryo:

- Too me kom

Ki kit ma ki moko ni dano omyero gu too kicel, ki lacen ngolo kop: Jo Ibru 9:27

- To me cwiny onyo poko kin Lubanga ma pe tum i mac me kapiny

Ento jo ma lworu, ki jo ma pe giye, ki jo me kwer, ki lunek, ki lutim tim kwele, ki lutyet, ki luworo cal jogi, ki lugoba ducu, gibirongo dugi i nam ma lyel ki mac ki calfala. Niyabo 21:8

Ka dano opokke ki lubanga pi bal ma en otimo, ngo ma twero cobo peko man? Pol kare watamo ni yo me cobone aye: dini, tic maber, ki kit mabeco.

Ento tye yoo acel keken ma oa ki bot Lubanga.

3. Yecu Kricito aye yo acel keken me cito i polo.

Man obedo lok pa Lubanga.

Yecu owacce ni, “An a yo, ki ada, ki kwo.” Pe tye nat mo ma bino bot wonne, kono ki bota keken. Jon 14:6

En oculo pwod ducu pi balwa.

Pien Kricito bene oto kicel pi bal, ngat ma kite atir pi jo ma kitgi pe atir, wek en oterwa bot Lubanga, ma kineko i kom, ento kidwoko kwowa i cwiny: 1 Petero 3:18

I Kricito donj gikorowa pi remone, en aye weko balwa, pi lonyo me kicane; Jo Epeco 1:7

En tye ki cikke me kwo ma pe tum.

Nat ma ye Wod tye ki kwo ma pe tum, ento nat ma pe ye Wod pe bineno kwo; ento kiniga pa Lubana bedo i kome. Jon 3:36

Pien mucara me bal en to; ento mot pa Lubana en kwo ma pe tum i Yecu Kricito Rwotwa. Jo Roma 6:23

4. Omyero waye Yecu Kricito wek wanong larre.

Larrewa bino pi kica pa Lubanga pi niyewa i kom Yecu Kricito. Pien pi kica pa Lubana olarowu pi niye; meno pe oa ki botwu, ento mot pa Lubana, pe oa ki i tic, wek nat mo pe onyatte. Jo Epeco 2:8-9

Pien dano ducu ma lwoŋo nyin Rwot bilarre.” Jo Roma 10:13

Lega pa latim bal

Leg man ki niye:

Rwot Yecu, apwoyo matek pi marri. Aloko ni an atye labal ki alego kica ni. Wapoyoyi pi to ni i kom yatariya, yik, ki cer me culu pi bal na weng. Ageno in macalo Rwot ki Lalar na. Agamo mic ni me kwo ma pe tum ki amiyo kwona boti. Konya me lubo cikki ducu wek abed ngat ma yomo cwinyi. Amen.

Ka ibedo ki gen i kom Yecu Kricito, jami ma lubo ni otimme i komi:

- Kombeddi dong, itye ki kwo ma pe tum bot Lubanga.
Man aye gin ma ŋat ma yam oora mito, ni dano ducu ma neno Wod, ce ye en, myero obed ki kwo ma pe tum; Jon 6:40
- Bal ni weng dong ki culu ki dong ki timo kica.
(kare mukato, kombedi, anyim)
Ento dano man otyero gitum acel pi bal matwal, ci obedo piny i ŋet Lubana tun acuc; Jo Ibru 10:12

- In ibedo cwec manyen i wang Lubanga. Man aye acaki me kwo ni manyen. Pi meno ka nat mo tye i Kricito, en don doko gin ma giketo manyen; nen, jami ducu don odoko nyen. 2 Jo Korint 5:17

- Idoko latin pa Lubanga.

Ento jo ducu ma gujole, en omiyo botgi twero me doko litino pa Lubanga, bot jo ma ye nyije: Jon 1:12

Tic maber pe obedo yo ma wanongo kwede larre, ento obedo lanyut nyo nyig me larrewa.

Pien wan aye gin ma en otiyo, ma en ocweyo i Kricito Yecu pi tic mabeco ma Lubanga don oyubo con ni myero walubgi. Jo Epeco 2:10

Obanga omini gum!